

mate Anno 1262. dato ampliavit. Idem Henricus Liechtensteini-
 nius privilegium nundinarum singulis septimanis Nicolsburgi ha-
 bendarum à Rudolpho I. Imperatore Viennæ Anno 1279. acce-
 pit. (c) Porro in Archivo Inclytorum Inferioris Austriæ Statuum
 spectatissimæ Liechtensteinæ gentis in sequentibus documentis
 memoria celebratur. Anno 1294. emit Agnes Domina de Liech-
 tenstein bonum quoddam à fratribus de Rötenberg. (d) Frideri-
 cus Liechtensteinius citatur in instrumento cessionis de Anno
 1300. (e) Rudolphus à Liechtenstein in instrumento oppigno-
 rationis Anno 1310. celebratur. (f) Agnes, Friderici à Liechten-
 stein vidua, & Chalhochi ab Ebersdorff Soror, Fratri suo donat
 omnia bona à Reinperto ab Ebersdorff jure hæreditario acquisita
 Anno 1310. (g) Hæc eodem Anno testamentum condidit, in
 quo dicti fratris sui liberis, quos ex Uxore Perchta suscepit, dotali-
 tium Mariæ Viduæ Reinberti ab Ebersdorff reliquit. Parochiæ
 Ebersdorffensi legavit calicem filiæ suæ Agnetis de Planckenstein.
 Monialibus ad S. Laurentii Viennensibus quatuordecim libras
 Denariorum annuorum reddituum in Muroffstall / quos à cognata
 Reicharde ab Mehrenberg hæreditarios accepit, & Ordini Præ-
 dicatorum Viennensium decem alias libras Denariorum destina-
 vit, ut annis singulis in perpetuum, anniversarium tenerent. (h)
 Anno 1337. Literis Reverſalibus accepta certa pecuniæ summa
 fidem suam Decanus in Chrembs obstringit, de perpetuis pro ani-
 ma Rudolphi Domini de Liechtenstein celebrandis Missis. (i) I-
 dem Rudolphus Liechtensteinius citatur in alio documento de
 Anno 1348. (k) Otto autem Dominus de Liechtenstein arbitrum
 compromissarium Anno 1355. (l) & Ulricus de Liechtenstein
 Anno 1366. in transactionis documento testem egit. (m) Hart-
 mannus [Härzl] de Liechtenstein Diacono in Leiß pollicetur, se
 omne damnum, quod Ecclesiæ ibidem inflixit, bona fide repara-
 turum, restitutumque, huic negotio fratris Johannis testimo-
 nium accessit Anno 1366. (n) Sequenti Anno 1367. citantur
 in diplomate Elisabetha Domina de Neidberg nata de Liechten-
 stein fratresque ejus Henricus & Johannes, item Agnatus Chri-
 stophorus Liechtensteinii. (o) Ulricus hac gente editus Capita-
 neus Styriæ ab Alberto Duce Austriæ Goritiæ Comiti Alberto
 cum mandato plenissimo ad tractatus ineundos Anno 1373. mis-
 sus est. (p) Frater ejus Johannes eadem tempestate in Aula Alber-
 ti Austriæ Ducis Supremi Magistri munere functus est, literasque
 pignoratitias Anno 1374. (q) & alias Anno 1380. datas (r) si-
 gillavit. Anno 1385. verò in compromissorio judicio laudum
 pro-